

明  
詩  
紀  
事

明詩紀事卷二十一

貴陽陳田輯

甲籤

沐英一首

英字文英定遠人從太祖起兵賜姓朱氏後命復姓  
累功封開國輔運推誠宣力武臣西平侯拜征南右  
副將軍征雲南事平留鎮雲南卒追封黔甯王諡昭

靖

用按史稱黔甯讀書不釋卷暇則延諸生講說經史  
及觀其財掌記劉彥昂之東阿詩亦彬彬乎雅音也  
黔甯鎮撫後先十年有威惠其卒也多以詩挽之者  
內侍李文煥等詩余皆具錄別卷明與開國武臣儒雅  
慈溪杜慎等詩余皆具錄別卷明與開國武臣儒雅  
好事首推岐陽武靖王李文忠嘗師事金華名儒范

贈掌記劉彥昂之東阿

祖幹胡翰通曉經義史稱其作為詩歌雄駿可觀余檢徐大章始豐稿有跋岐陽王雪庭詩卷後云雪庭詩一首并跋尾岐陽王所製以贈杭僧康上人者也上人精修白業解行兼至王開府鎮杭親御翰墨爲之詠贊上人假雪爲號王摹寫雪狀詞旨精詣今惜不得雪庭詩錄之穎國公傅友德有文集傅青主曾見之今亦不可得又蘄春侯康茂才亦有茫茫江海皆魚鼈何處堪容魯仲連之句錄黔甯詩附記于此

大府多軍務頻年案牘勞趨延宮浦轉籌筆殿香飄柳外流

鶯語花邊立馬驕莫嫌州縣職漢業說蕭曹

郭奎十五首

奎字子章以字行巢縣人明初宋文正開府南昌奎

以儒士爲參謀文正得罪坐不諫誅有望雲集五卷

四庫總目奎當干戈撥攘之際仗劍從軍備嘗險阻蒼涼激楚一發於詩五言古體原本漢魏頗得遺意七

寄李彥端

言古體時近李白五言律體純爲唐調七言律體稍  
雜宋音絕句則在唐宋之間元末明初可云挺出趙  
汭宋濂皆爲之序推崇甚至良不誣矣  
詩談郭棧史子章與洽情真固是逸才如落日平淮  
樹春潮帶皖城東鄰茅屋新煙起南礪石橋春水生  
此例佳甚  
田按參謀詩天才挺拔俊逸不凡鬱塞磊落之氣時  
露毫端如亡家云杖策鄧生猶未遇亡家韓信定誰  
依凌風欲便乘槎去天上秋虹跨海飛富池江口夜  
泊云華髮青燈共一船聞雞獨起看龍泉風雲未遂  
平生志慚愧周瑜長十年草昧英雄望一列侯夢中三  
十六春秋功名總被儒冠誤兩岸猿啼一夜愁南康  
除夜云十年客淚不曾乾邱隨成行骨肉殘爲報淮  
南兄與弟紫髯憔悴未爲官賦感士不遇矣

嘉樹靄夏綠清風動虛襟念君有高趣勞我徑寸心  
伫立東城曲日夕見雲岑以茲世故多忘彼升與沈  
聊樂在書籍佩玉懷所欽華池散帙步當戶鳴幽禽  
蘭生已覆井泉響迴出

林醉將山口月彈作絃上音明月照別鶴遺音戛南金何當  
坐松石從爾聽瑤琴

秋日次右司韻

秋水竟長川高亭對孤嶼覽君瑤華篇往往似仙語歡遊繼  
晨夕追昔念徂暑揚舲濟東湖采蘭臨北渚落日散餘霞輕  
風度微雨同瞻城堞表樓觀襲空宇渺渺帝子洲衰草亦萋  
只鳬鷺相翱翔漁歌起前激星霜忽已周遲留感年序睇彼  
東南天馳思久凝伫

過皖城弔青陽先生

維舟大江潯攬梯登茲城哲人不復見黃鳥悲且鳴高山尙  
巖巖梁木何乃傾忽逢舊耆老向我宣忠貞明公夙有誓慷慨

慨存遺銘死卽爲厲鬼生當殄長鯨應敵旣神武百戰何縱橫精誠貫白日天子無援兵歲久矢石竭捐軀全令名

贈別

蟋蟀悲歲暮起視夜何其淒淒霜露降蕙草淒以衰薄言子當往軒車發行遲聊因一杯酒慰此平生知采采西洲蘋悠悠懷我思我思詎能已君心諒不違

次錢子貞薊門感懷

燕支木葉落盧龍秋色來空閨有思婦清夜悲且哀錦書爲君寄寶鏡待君開膏沐不復容綠髮栖浮埃團團皎月輝照彼單于臺馳心在萬里出戶聊裴回

貽李道士

茅山李道士賣藥巢湖上頭戴烏紗巾手持青藜杖雙鬟童子相隨行向月壺中吹玉笙紫芝采罷忽不見又騎玄鶴登蓬瀛

新豐市宣城北六十里

過新豐待沽酒雪花當空大如手斷橋荒店無人煙獨有寒梅伴疏柳憶昔江東未搆兵我亦曾經此地行東家挹牛出新醖西家開宴還吹笙春風步障千花錦當壚美人頻勸飲形勢雖非漢祖初彷彿咸陽舊陵寢仁驂慷慨懷馬周我欲濯髮臨清流斗酒不可得高興良難酬著鞭遙指敬亭路孤雲日暮心悠悠

九日偶成

良辰惜難再秋序夙已殫登高啟飛閣望遠俯層巒寒菊正  
盈把濁醪方具歡微此一日宴客懷殊可歎

寄孫伯融

吳樹綠如蓋越山天下奇遙知戎事暇總是雅歌時國士曾  
持節將軍已建旗西宛有名驥安得爲君馳

蘄州營作

樹暗唳鶯困春餘一日殘愁隨花片減夢逐雨聲寒毀譽惟  
耽酒辛勤亦枕鞍令人慙陸抗四十未封官

秋興

月下清砧響夜闌征人不寐憶長安霧迷南國遊魂泣草沒  
中原戰骨寒直望明河臨象闕誰霑零露捧金盤十年關塞



無家別仗策猶歌行路難

當塗客舍

姑孰溪邊獨倚樓江城二月似深秋孤雲無處求親舍先隴  
何人祀首邱花落始知寒食過雁歸渾是夕陽愁故山應有  
王孫怨春草淒淒沒盡頭

臘日

臘日三年爲異客今年霜雪未全饒風塵暗滿淮南路霧雨  
寒生江上潮鄉夢有時逢骨肉此身何處托漁樵共來吳楚  
交兵地烽火依稀似六朝

答王克讓

萬里煙塵海拂波夕陽誰復倒同戈華戎雜處衣冠少吳楚

封疆壁壘多說客成名惟季子功臣改轍在隋何故山猿鶴  
應相訴桂樹叢生帶薜蘿

開歲卧病

一朝卧病藥相扶纔倚晴窗閱地圖莫說江南風景好王孫  
頭白怨蘼蕪

熊鼎一首

鼎字伯穎臨川人元季舉於鄉爲龍溪書院山長參  
謀軍事明初徵爲德清縣丞吳元年授中書考功博  
士遷起居注出爲浙江按察簽事改山東副使拜晉  
王府右傅坐累左遷大同衛知事除晉王府參軍改  
刑部主事授岐甯衛經歷召還至西涼朵兒只把叛

不屈死之

川按伯穎嘗與修公子書學士朱升奉命辨五音對  
忤旨太祖欲寘諸法伯穎從容論解之曰石音難辨  
自古而然唐虞惟后夔能和磬聲且言樂之和由人  
所致人君能致中和則萬民和萬物和而樂音和矣  
太祖怒解釋升不問可謂名對不徒以節義顯也

長安懷古

立馬平原望故宮關河百二古今雄南山雙闕阿房近北斗  
連城渭水通龍去野雲收王氣鶴巢陵樹起秋風英雄事業  
昭前哲看取秦皇漢武功

夏煜一首

煜字允中江甯人明初辟爲中書省博士訓浙東分  
省摧總制浙東諸府

康郎山奉旨

三軍戰罷日重輪好雨東來爲洗塵絕壁秋聲清漱玉白沙  
月色爛堆銀氣成龍虎知王者兆應熊羆得老臣半夜內官  
催草檄燭花影裏繡衣新

田按史稱太祖征陳友諒偏臣惟劉基夏煜侍鄱陽  
戰勝太祖所與草檄賦詩者煜其一也此詩半夜內  
官催草檄燭花影裏繡衣新當卽紀其事也

吳去疾一首

去疾字去疾安慶人給事中

酬李卿

李卿好客天下無日日相過惟酒徒眼花耳熱不復醉瓶罄  
樽空還復沽去年解后留君第七日疏狂淹客途近有新詞

來寄我洒然清興滿江湖

陶誼一首

誼字漢生天台人洪武初秘書監丞進員外郎

田按漢生與劉子高等賦郊禋慶成詩宋景濂作序  
事具子高詩後

送人從役

沅湘南去遠古戍楚雲邊山雨虫蛇出江天  
蟬蝶懸相思知後夜重會更何年  
喜得風濤靜官船任晝眠

送魏司業出守姑蘇

東吳父老候麾旌卓犖朱旂五馬榮  
名都暫須煩魏相諸生久恨失陽城  
麟符剖玉君恩重燕宸凝香吏牘清  
指日徵黃下丹詔文看環珮入承明

谷宏一首

宏閩人一作新淦人中書舍人

行經華陰

雲間太華倚三峯積翠遙連渭水東遠塞雁聲寒雨外離宮  
草色暮煙中秦關日落行人少漢時天陰古戍空寂寞武皇  
巡幸處祠前木葉起秋風

田按元末明初詩人如吳漳楚望武侯祠詩王旬子  
宣宮詞谷宏行經華陰詩最爲膾炙人口所謂千首  
不爲多一首不爲少也華陰詩見明詩綜頗有點宣  
字句余據明風雅列朝詩集存其真焉

陳潛夫一首

潛夫字振祖錢塘人官國子監學正

訪沈士怡丹房

繞屋丹光炫曉霞  
隔溪山色映鷗沙  
幾回談笑停杯坐  
簾外春風落杏花

沈應一首

應字德慶吳人  
洪武中選入文華堂  
說書除江西參議  
改山東有東礪集

楚江秋曉圖

曾記葦葭水廟東  
客心爭渡曉雞中  
平蕪落月三湘路  
千里孤舟一雁風  
別去鄉關猶在夢  
老來江海尙飄蓬  
何因得似間鷗鳥  
兩兩沙邊睡正濃

蕭翀一首

翀字鵬舉泰和人  
洪武中以賢良薦除蘇州同知  
歷

山東鹽運副使

裴君弘西江詩話蕭鵬舉洪武中以賢良應制賦指  
佞草詩稱旨  
山按鵬舉劉子高詩弟子其佳句如明月不可得孤  
燈還近人舊馴野鶴丹生頂新買河魚錦作鱗面關  
曉霧青牛去華表秋風白鶴來殊可誦也

寄吳所與

南溪流水北溪雲無限新愁總憶君  
鴻雁來時天杳杳鷓鴣  
嘒處雨紛紛郎官湖口江流合武姥峰頭樹色分  
相去只綵  
三十里此生何事苦離羣

白範一首

範字以中錢塘人

列朝詩集明詩綜作山陰人  
余據萬厯錢塘縣志改正

洪武

中黃州府同知有虛室集



田按以中爲岐陽王客岐陽府第有西塘之勝以中作西塘八景詩徐大章稱其清切精緻吐辭有盡含意無窮誠爲雅製惜虛室集不傳

### 公樂驛有懷出關二公子

武英同受詔萬里去從戎自笑蠅隨驥番成燕避鴻心飛灤水北魂黯薊門東回首崆峒樹依依夕照紅

### 周縑一首

縑字仲方吉水人洪武三年舉人官台州同知謫戍廬陵復起爲訓導

### 王均章畫虞山圖

中陽山人思超逸圖寫江山用金碧滄海紅塵幾度飛特向人間留妙蹟層巒萬疊煙霧浮禪宮道院當山頭浮屠屹立

遙漢外危石正瞰清流平橋渡水西林去草屋茆亭隔煙  
樹童子攜筇獨鶴隨仙人背立溪橋路前山矗矗知幾重懸  
崖怒瀑飛晴虹漁舟影沒汀樹遠收笛聲斷江天空中陽妙  
手誰復擬咫尺依稀如萬里仙巖有路疑可到便欲振衣凌  
拂水君不見吳山吳水南海壩隨閭老人留七年紅橋盡舫  
姑蘇市晚稻香稷湖上旧江山千里總奇絕我昔思歸情惘  
然還君此畫一長歎花外聲聲囀杜鵑

練高二首

高字伯上新淦人元季領鄉薦洪武中召爲起居注  
直言忤旨出爲廣德州同知歷臨汀鎮安二府通判  
有集

田接伯上詩音節高亮虞伯生王子充爲作集序惜  
今不傳楊東里云清江劉仲修旣冠未知學因過婦  
翁同郡練伯升翁長子增也蚤有文譽翁家特異視  
之而庸衆人視仲修旣歸發憤就學日夜不懈學業  
大進時譽更出伯升右余檢練中丞遺事錄伯升伯  
上弟也著作今亦不傳

寄參謀劉彥昂行軍已度劍關次韻志喜

遙駐旌旄已渡瀘壺獎父老迓前驅幕中司馬徵韓愈  
將軍詔亞夫金甲瑀弓朝洗箭銀燈虎帳夜投壺應知橫槩  
題詩處錦瑟凝歌翠袖扶

送張起潛之柳州

潯水環城擁翠來柳陰府署倚雲開唐祠伯食歌丹荔漢柱  
銘功篆綠苔日落雷塘雲霧合虹消桂嶺颶風回南行無雁  
音書少別思綿綿不易裁

史遷三首

遷字良臣金壇人洪武中用辟召除蒲城知縣遷忻  
州知州復知廉州

田按良臣詩尙真率卻無慢聲俱句

蘭子詩追和楊廷秀韻

松花岡頭雷雨急坡陀流膏潰香汁新泥日蒸氣深入穿苔  
破蘚釘戢戢如蓋如芝萼玉立紫黃百餘紅閒十燕支微勻  
滑更溼傾筐盛之行且拾天隨杞菊設苦澀采歸菴之脫巾  
笠桑鵝楮雞皆不及嫫姑天花當拱揖鹽豉作羹炊玉粒先  
生飽飯踏曉日更遣樵青行負笈

簡王原輩

東郭道人大奇置身散地任支離阿誰或訝嵇康懶此老  
眞成濟叔癡白日放歌盃在手青春作夢草生池輞川圖是  
傳家譜留得當年絕妙辭

漫興

好風輕雨趁輕雷一洗山川掩畫開誰道衡門無過客春深  
還有燕飛來

吳文泰一首

文泰字文度吳人洪武中涿州同知謫戍雲中卒有

愚菴集

姑蘇志吳文泰耽於詩清才逸思雖罹憂困而嘲弄  
不輟

續吳先賢讚吳文泰與丁敏遊無日夕咏不休二人  
者嘗閉戶共爲詩人見其笑無煙往視之則方瞠目

相對亦忘其飢也語皆屬苦若孟郊益僻寔矣

送人從軍之永州

嗟君此別向南州路驛迢迢萬里秋愁斷猿聲非故國夢迴  
月色在孤舟湘潭水落魚龍遠衡岳雲開霧雨收聞說從軍  
還有樂不須懷土更登樓

程煜一首

煜字彥明揚州人寶坻縣丞

過太湖

擊楫中流去西風客思催地吞南極盡波撼北溟迴鯨館懸  
秋月龍宮起夜雷溫繆人不見長嘯倒金罍

吳斌

四首

斌字韞中休甯人洪武中用薦授温州平陽縣主簿  
有韞玉山房集

田按韞中詩學太白頗有奇偉之觀

次韻戴尙文遊顏山

美人契遐想濯足青蓮池我亦思攀援騰空躡雲螭蒼茫送  
遠目直接扶桑枝天低流景迴風遠浮雲馳萬靈受荼毒生  
死皆非宜仙人與佛子縹緲何須期吾常問青天願借箕尾  
騎

雜詩

豫章在高嶽挺然出喬林雲霄接飛翰川谷涵清陰龍鱗結  
翠色貞固如精金梓人構珠殿飛斤欲相尋雖憑萬牛力賴

此春山深大材失平地倚樹空沈吟

青州歌

青州高城雄九州城門天上飛瓊樓羽林兵衛若熊虎劒戟  
耀日寒光浮迢迢紫陌香塵起車馬爭馳迅流水飛甍萬井  
碧鱗鱗綠樹連陰柳營裏嵯峨城闕帝子宮天人遙鎮滄海  
東海波鏡淨寂不動鯨鯢不敢揚天風樓上銀盞漏初歇  
角龍吟泣霜月寒聲蕭颯落梅花吹作征人鬢中雪

宿密多巖蘭若

寶刹倚青漢金宮瞰紫煙巖巖明秀木天罅落飛泉香窟幽  
僧定雲房逸客眠澄輝滄海月應與此心圓

雷燧一首



燧建甯人洪武初南陵知縣

贈南陵劉章甫

仙嶺閒尋採藥翁  
草堂留話數宵同  
要知山下雲深處  
只是人閒路未通  
泉領藕香來洞口  
月將松影過溪東  
求名身在閒難遂  
明日馬蹏塵土中

葉子奇

四首

子奇字世傑龍泉人洪武初用薦授巴陵主簿有集

四按子奇所著有太元本台九卷草木子四卷範通  
元理二卷本草醫書節要各十卷齊東野語三卷詩  
集十六卷文集二十卷今所有者惟太元本台草木  
子二種子奇博學多通小詩亦翩翩有風致

題張原琛蓬窗

銀絲魚鱗碧芹藟曾記扁舟越上行  
今日小軒風味似滿川

風雨看雲生

縣舍卽事

朝日開衙暮散衙  
略無一刻及春華  
偶過縣舍坡陀外  
隨分春風領菜花

岳州歌

綠波晴漾白黿池  
郭外人家有酒旗  
客思獨如楊柳樹  
春風愁緒萬條絲

寓玉清觀

徑草微微護淺沙  
小山叢竹玉清家  
牽牛延蔓無多碧  
點綴秋光一雨花

明詩紀事卷二十二

貴陽陳田輯

甲籤

胡奎 四十一首

奎字虛白海甯人洪武中以儒學徵授甯府教授有

斗南老人集六卷

四庫總目奎生元至順間嘗遊賈師泰之門集前有甯  
王權序朱彝尊靜志居詩話稱吾鄉雲東逸史曾手  
錄其棄舊藏項氏天籟閣繼歸高氏稽古堂後為華  
山馬思贊所藏案今世所傳奎集皆出天籟閣鈔本  
止有四卷前有項元汴題識而無甯王原序此本為  
明初甯王府文英館所刊見於甯府書目崑山徐氏  
傳是樓又從原刻影鈔實分六卷凡詩一千九百餘  
首與項氏所藏互校乃知彼多所脫佚不為足本觀  
甯王序中載宗哲徐將軍居西山有道士過訪食藏  
道士吟一絕句云一拳打得地皮穿握住東風不放

拳只待杜鵬啼血後放開鳳尾始朝天問其所作以  
著書斗南老人四字時先生未有是稱後得先生藁  
方知先生詩也與所載望湖亭一事文相連屬而朱  
彝尊靜志居詩話獨未採錄知彝尊詩所見惟天籟閣  
殘本其記望湖亭事亦從都穆南濠詩話抵入耳奎  
詩不事雕飾往往有自然之致彝尊謂其功力既深  
格調未免太熟誦之若古人集中所已者其言誠  
不為過然容和雅其長處亦不可掩視後來之措  
拾羣集虛自固有問矣  
清江集虛自固有問矣  
三緯法及論漢魏以下之變故虛白未三十已進於  
詩凡觸物而成者粲然春翹之摧頽翕然天籟之投  
曲  
詩談海昌胡虛白一鶚橫秋羣鳥欲翼  
七修類藝浙省員外郎張光弼名昱廬陵人元末政  
壞遂棄官不仕以詩酒自適號一笑居士嘗曰吾死  
埋骨西湖題曰詩人張員外墓足矣後果如其言海  
昌胡虛白作詩以弔云二仙坊裏張員外西白湖逢  
只論詩今日過門君不見小樓春雨燕歸西子湖  
頭碧草春天留山君不見小樓春雨燕歸西子湖  
梅花寫得真二仙坊在杭之壽安坊西即今之花市  
也

田按虛白長於樂府七言斷句風藻翩翩殊有標致  
余所見斗南集係影鈔甯國文英館本與四庫著  
錄一千九百餘首之數適合詢爲罕見之笈詩綜第  
錄六詩不足見其所長特廣爲甄錄與海內該藝家  
共賞之

### 題廬山圖

我昔夢五老翱翔綠雲中濯足銀漢水上與天門通清猿夜  
啼月夢回迴寥絕遙遙紫霞想忽若干年別昔向夢中見今  
從堂上看林巒如夙契煙翠生高寒此境何時遊我夢難再  
續悵望九疊屏白雲滿空谷

### 東園漫興

池荷生夕涼快雨飄然至窗虛延竹色林暝散花氣地偏人  
事簡遂我國樓志緬懷心所親仁立疑遠思

西池晚酌

方池散文漪微颺坐來爽歸禽各已息華月從東上故人適  
我趣携尊共延賞隔水聞疏鐘令人起遐想

孫臏

孫臏古名將龐涓俱學兵刑足見齊使始識田將軍指麾輜  
車中號令若風霆引兵走大梁遂解邯鄲城救韓示怯戰滅  
竈功乃成馬陵書大木弩發如流星跛躄信千里刑餘安可  
輕

長歌引

短歌歌不足長歌斷復續六龍之車海上來千秋萬古無停  
轂轍雪推霜入鏡中坐見綠髮如飛蓬滿堂窈窕春花紅長

歌一曲歌未終西陵隴樹生秋風

秋夢引

井烏啼月銀床冷  
曉轡聲斷青絲綆  
美人夢逐絲雲飛  
鸚鵡隔窗呼不醒  
小鬟臨鏡雙盤鴉  
熏籠火煖篆煙斜  
一寸方心化蝴蝶  
飛來自采夫容花

巴陵女子辭

青楓嶺頭月照見  
巴陵女兒血血書  
石上痕不消  
祠前古樹風蕭蕭

迎龍曲

朝迎龍暮迎龍  
旱火燒天龍在宮  
縣官投牒石潭中  
山南山北鼓逢逢  
蜿蜒躍入楊枝水  
山雲一縷隨龍起  
龍未離山雨

到城城中三日不得晴明朝打鼓送龍去願龍十日行一雨  
種田有水刈麥乾年年謝龍神亦歡

白苧詞

翦冰綃縫雪縷館娃宮人越溪女回風吹雪長袖舉玉階續  
紛落花香白月墮地河星高流雲卷空翻翠濤宮門魚鑰夜  
迢迢

長平箭頭歌

戰長平四十萬人同日坑古苔蝕血銅花青千年金鋒摧白  
翎空遺黃金鏃不射秦時鹿西出咸陽門哀哀鬼夜哭

禹家墓

石門山前箭如雨朝別良人暮爲鬼石門山下百尺泉一目



身死名千年至今石門山下路烈婦人稱禹家墓墓前斜日  
一僧歸卽是當年十歲兒

鵝李詩繫禹氏名淑靜吳守正妻居崇德石門鎮元  
季苗獠之亂亟與夫操舟以遁苗及之叱淑靜止淑  
靜度不免遂抱幼女投水中死明孤德昂無依去金  
葉葬其地守正入越亦死兵問遺孤德昂以送之稱  
華山中爲僧後度錢塘省墓宋學士演序以告於  
其至孝有儒行會修元史德昂入京以母死事告於  
史氏遂得列傳歸廬母墓榜曰白雲先聖鎮人表爲  
貞母阡徐一夔有記胡奎有詩

垂虹亭晚泊

泊舟垂虹亭水氣秋冥冥汎濫露浮白依微天倒青鐘聲臨  
水度漁唱隔林聽賴得知心友因傾雙玉餅

寄震龍門和尚

安平池子上不到十餘年石老三生夢茶枯一味禪淵泉通

屋下山雨落尊前我亦除煩惱還來了勝緣

和賈徵君韻

憶昨放舟相見時繫纜宅前楊柳絲別來晴雲碧冉冉看過  
秋葉紅離離茶煎雪水同誰喫書到柴門有夢知晴日半窗  
初睡起水仙花畔和君詩

次解上人韻

上人白毫應壽昌寄來草聖通鍾王蓮花漏點禪心靜蕉葉  
雨聲詩夢長出海神龍還問法上堂侍者慣燒香南州八月  
尚煩熱渴想一杯甘露涼

寄友人

東里先生眉最白南州高士眼終青蓬萊弱水三清淺蝴蝶

莊周一夢醒今日好書封禪縻他年還築聘君亭看山樓外  
秋無際誰識天邊處土星

林谿

谿上青林林下谿南州卜隱草堂低水生酒舫高過屋花落  
樵徑淨無泥鄰翁把釣得春鯉童子煮茶聞午雞白頭也欲  
采芝去好在洪崖丹井西

玉階怨

露下瑤階冷流螢溼不飛長門今夜月特地上秋衣

山鷓鴣辭

江上有山復有山鷓鴣啼處兩斑斑一聲兩聲行不得南船  
北船朝暮還

仙人詞

金鼈背上藥珠宮  
千歲桃花幾度紅  
曾見茂陵松柏下  
銅仙清淚落秋風

唐宮行樂詞

明日內家遊上苑  
許教鬪草賭金釵  
怕人先記花名字  
隔夜潛偷玉篆牌

過浦賦竹枝詞

雪後江南春到時  
鵝黃已染楊柳枝  
東風不解離別意  
一日惱人千萬絲

次韻王繼學灤河竹枝詞

灤河杏花如雪勻  
小雨三日不生塵  
鱸頭少婦勸郎酌  
花如

人面草如茵

太湖竹枝詞

第四橋頭楓葉青  
白龍吹雨浪花腥  
過橋買酒待月出  
今夜夜宿垂虹亭

簡員外張士謬

盡省題詩白晝閒  
春寒繫馬百花間  
船頭載得官瓶酒  
來看江南雪後山

題揚州翫月圖

好月多情不待招  
滿江風露夜迢迢  
分明記得揚州見  
只欠瓊花與鳳簫

題繫馬圖

日黃塵淹馬足誰能占得午陰涼  
天閑芻豆無多戀好解  
青絲八尺繮

過陸龜蒙書院

太湖水落秋冥冥七十二峯相送迎  
扁舟遠訪天隨子日落  
荒祠楓葉青

江上漫興

江上鯉魚吹白波舟人打漿唱吳歌  
斜風細雨家千里輪與  
元真一釣蓑

小桃花落雨紛紛桑葉青青試浴蠶  
好山好水魚米賤人生  
只合老江南

臨安勝覽

紅泥亭子赤闌橋二八女兒眉黛嬌手折荷葉盞頭去瓜皮  
船不怕風潮

次揚州鐵笛漫興韻

南山北山眉黛青日日載酒望湖亭買得湖船十樣錦醉倒  
美人雙玉餅

紫薇花下

天棘移來一尺長呼兒澆水傍南牆柔條盤作青羅盞借我  
山窗一夏涼

輓榮教諭

江風山月夢悠悠白髮三年在惠州詩骨梅花雨清絕此身  
只合葬羅浮

題松

丹井西頭只一箇香鑊側畔恰千株何當著我坐盤石童子  
掃花間讀書

移竹

山蕉葉畔偏宜竹借我南窗一夏涼八尺簾紋清似水秋聲  
月色兩相當

題樂工湯子玉琵琶手卷

七尺烏藤手自扶東風吹雪上頭顱梨園傳得龍香撥借問  
春愁撥得無

瓊花高髻有千娘一曲揚州獨擅場不有詞人與子敬無人  
知有賀新涼



春日東園漫興

竹裏開門稍向東  
隔簾吹過杏花風  
青苔一徑無人迹  
時有山禽啄晚紅

長日南窗一卷書  
更憑何物稱閒居  
睡魔也自相欺得  
茶鼎熏鑪儘破除

和望湖亭東坡原韻

鷗外清波雁外山  
望湖亭下繫歸船  
夜深起坐占風信  
人在珠宮月在天

南濠詩話海濱胡教授虛白洪武間歸自江西泊舟番君之望湖亭見亭上石刻東坡詩一絕虛白廢其韻書之於壁忽有老者來誦其詩曰子非斗南老人耶乃爲長揖舉首不知所往虛白因自號斗南老人

王翰八首

翰字時舉夏縣人洪武中以經明辟夏縣訓導改平

陸遷鄆陵教諭擢周府長史棄官復用薦為翰林編

修謫廉州教授夷獠亂城陷抗節死有傲帚集梁園

寓稿山林樵唱

四庫總目翰始抗驕王終殉國難其立身具有本末發  
 為文章率具剛勁之氣故古體往往有質直語然自  
 抒性情無元人穠纖之習七言古體聲調亦頗高朗  
 朱彝尊輯明詩綜未錄翰詩當由未覩斯集  
 夏縣志王翰結廬中條山有詩當由未覩斯集  
 輒輟蒲潤谷中按節高歌聲振金石  
 田按時舉先世祥符人父仲文為夏縣令遂家焉  
 四庫提要謂時舉禹州人不知何據余檢禹州人物  
 志無其姓名惟於藝文載王翰梁園寓時當是據提  
 要採入也時舉詩蘊藉中特饒秀勁之邑久雨述懷  
 云恒時歲時無奇策憂國衰殘負此心蓋身事驍王  
 憂時之思見乎篇章卒以數諫不納伴狂斷指去再  
 官廉州以身殉城名節完人豈獨以詩傳哉

題上清張真人畫陰厓長嘯圖

穹厓壁立三千尺萬挺蒼官並厓立半空垂瀑似飛龍怪石  
秋陰護蒼色水邊鶴立似神仙意欲飛空凌紫煙白雲不隔  
華陽洞綠波遠入桃花源羽衣翩翩無覓處萬壑千巖鎖煙  
霧龍吟虎嘯下青冥天風振落三花樹上清宮中仙子家興  
來繞筆飛煙霞蘇門一嘯聞千古但恨不得隨仙槎

鑄鏡行

妾念嫁時新鑄鏡鑄成圓圓秋月色從夫從軍藏入匣鏡面  
已昏妾面隔紅顏落爲霜葉枯綠髮已隨秋草白妾顏雖改  
心不轉手携圓鏡情脈脈昨日書來在桑乾新衣未寄舊衣  
單秋風入戶吹羅幌妾身未衣念郎寒何時降王來款塞

負長戈卽征鎧歸來對鏡試春衫團鏡重磨妾掃黛

題山居幽趣圖

幽人愛岑寂林下築幽居觸石雲生谷通泉溜決渠鶴眠春  
院靜猿去晚林疏時有采芝客商歌振碧虛

過湖口縣

澄江東去急南槩入湖深林密藏秋雨山高倒夕陰  
鴈臨小縣佛閣出遙岑當趁風濤便無由得賞心

送河南王府判考績

三年佐治佳東周又次南轅報政秋千里暮雲迷汴水一瓊  
疏雨別嵩邱鳳臺曉上留新句虎監春行訪舊遊料得歸期  
在初夏杖藜携酒待仙舟

陵陽春曉圖

陵陽山下林亭好更有高人爲卜隣  
幾箇修篁鳴翠雨一溪流水隔紅塵  
靈龍過澗能迎客幽鳥到窗如喚人  
少住梁園驚歲月春來頓覺夢歸頻

秋懷

秋窗昨夜秋風起百感心成一寸灰  
千里雁來書未至五更蟲語夢初回  
地連洛汭浮雲斷山接滎陽夕照開  
何日黃河航一葦中條山頂望青臺

南陌詞

南陌東邊楊柳枝長條拂水綠參差  
行人不似枝頭絮也有無風到地時

管時敏

二十一首

時敏名訥以字行松江華亭人洪武中徵拜楚府紀

善選左長史有秋香百咏蚓竅還鄉紀行等集

四庫總目時敏學詩於楊維禎而不蹈襲維禎之體所作春容淡雅多近唐音張汝弼作董紀集序歷數松江詩人獨謂時敏詩清麗優柔足與袁凱方駕蓋不誣也

丁鶴年海集集時敏詩體製嚴整間出新語亦復清俊絕句詩元人惟龍麟洲范清江虞青城得晚唐三昧時敏絕句俱有法度豈非嘗私淑於三公故耶

秋夜

不寐耿長夜攬衣徒歔歔陰蟲吟近砌涼颿動疏幃素抱殊未釋清歡念多違豈惟南飛鵲茲夕無所依

少小從行伍

少小從行伍千金購武裝日騎官廐馬夜宿酒家倡知己宵  
論死臨危肯畏強蠻夷知姓氏木敢犯封疆

發新河次韻

自忝王門祿頻年此地過秋風迴遠道暮雨宿新河白浪鷗  
邊小青山雁外多客杯相慰藉一酌總恩波

遊寶林寺

金碧絢樓臺禪關向北開水分雙洲出雲擁萬峯來古佛遺  
香火殘僧話劫灰黃塵吾老矣何幸一徘徊

送宗師還玉泉寺

省師何處去古寺玉泉清山笠披雲過江船趁月行拈香參  
祖塔乞食到王城此去傳心印應知道可成

過田家

偶過吳家墅殘陽半掩扉  
遠汀低樹密小徑雜花稀  
新酒浮甕醖鮮鱗墮釣肥  
年來任疎懶一醉卽忘歸

過洞庭

湖上東風水似天  
渚花紅白共春妍  
蒼梧二女墳前路  
青草三閭廟下船  
簾篷綉機聲札札  
龍宮珠珮影娟娟  
官間更遂南遊興  
借榻君山寺裏眠

宴徐氏樓

高宴徐家池上樓  
座中賓客最風流  
東城美酒休辭醉  
南園佳人自解愁  
晴日遊絲當戶落  
煖香風篆近簾浮  
歸時不用山公馬  
短棹春波正滿洲



清明感懷

十年宦學楚江濱  
老景垂垂上此身  
種柳忽逢三月節  
看花又過二分春  
青山風雨多新鬼  
白髮江湖少故人  
東憶墓田千阜下  
可堪回首一沾巾

和鶴年丁先生宿東巖韻兼呈洪山海禪師

借榻東巖第幾層  
山中玉舍佛圖澄  
浮榮過眼寧非夢  
清苦前身本是僧  
齋罷雲扃時聽講  
詩成雪屋夜懸燈  
虎溪有約仍三笑  
自愧爲官老未能

修竹芙蓉

水仙小隊自成雙  
裊裊霓旌引翠幢  
一夜湘君頭盡白  
西風離思滿秋江

題玄真詩意圖

千峰雲氣涌如泉  
遠樹微茫斷復連  
祇有大夫橋下路  
青山都屬釣魚船

題倪元鎮先生小景

湖上相逢記昔年  
風姿睚眦似神仙  
如今看畫渾疑夢  
春樹雲連一惘然

京中懷季翔

百壺佳醕透鄰香  
出水新魚滿尺長  
阿母微醺孫在抱  
芙蓉湖上好秋光

夜泊驪港

去去歸程派急流  
打頭風起又維舟  
不因采石千巒酒  
那解

青山萬古愁

答顧謹中

九點吳山夢裏青  
遠煙疏樹晚冥冥  
何時買得螭頭舫  
秋水菱歌泖上聽

紀夢

小宴初闌罷玉笙  
東風庭院好春情  
流鶯啼過東樓去  
一樹梨花正晚晴

題奚璫雲山佳處

羣峯競秀遶儂家  
流水當門石徑斜  
閉戶不知春已去  
白雲滿地落松花

夢成

大溪溪上清風屋小草幽花分外香白鶴一羣飛不定萬株  
松下讀書床

詠菊

越娘初試素羅裳愛向秋風學靚妝一夜不勝瓊珮冷晚香

亭館有新霜

白西施

秋水池頭看闌鵝霜毛零落粉香多不知滿地誰收拾剪作

寒花照碧波

剪鵝毛

田汝四庫提要稱時敏秋香百詠在集外別行見  
周子治所作全巷記中今皆未見殆久而佚余從松  
風餘韻探錄二首亦秋香之賡馥也

林溫一首

溫字伯恭永嘉人官秦府紀善遷長史有栗齋集

送樓士連之官四川仁壽分韻得知字

見說蜀中天下奇一官萬里去何之雲連古棧驅車遠江繞  
盤渦入棹遲落日秋風神禹廟黃鸝碧草武侯祠尋幽好載  
鄆筒酒縣令相過是故知

貝翱一首

翱字季翔崇德人助教瓊子洪武中官楚府紀善有  
平澹集

閒居

閒居不是爲逃名野性從來少宦情況有林塘供嘯咏且無  
冠蓋費逢迎夕陽山好樓中見春水船高樹杪行何處飛來  
如雪鳥相親相近不相驚

張璧一首

璧字景辰陳留人徙松江華亭洪武三年鄉舉除潞

城知縣終蜀府典寶

松江府志景辰與同郡俞嘉言陶南村李處仁爲文  
學友嘗校文福建歸林崇高畫閩溪放棹圖送之陶  
南村題句云一棹閩溪下湘船千巖萬壑路句連榕  
陰處處浮嵐外杜宇聲聲落照邊者試來臨多士上  
宦遊向在十年前故人分手難分別寫得雲山上蜀  
牆景辰好題詠凡交遊卷軸每題必署尾曰陳留張  
璧

嘉禾

城頭倒影落湖波湖上風帆鏡裏過歸客自炊菰米飯小娃  
爭唱竹枝歌棧頭艇子輕於葉雪色沙鷗白似鵝此地將軍  
戰時血渚來丹漬薜痕多

桂衡 一首

衡字孟平仁和人洪武中錢塘訓導改山東授谷府

奉祠有紫薇稿

歸田詩話庚辰歲秋權停江北五布政司學校予在  
河南孟平在山東各齋學印赴禮部交納孟平訪予  
於大中街旅舍相見甚歡予置酒出紀行返棹滿樽  
之孟平贈詩有江湖得趣詩盈卷故舊忘懷酒滿樽  
之句予後授太學助教孟平授谷府奉祠寄小詞未  
句云捲起綠袍袖舞個大齋郎王遠善助教亦好作  
詞見之大笑喜其善謔也孟平刻意於詩有日課之  
工嘗手書百篇寄予孟平後卒於長沙予亦遭難家  
事零落所寄詩亦被人取去獨題前燈新話長篇載  
在卷首幸而存焉乃訓導錢塘邑庠日所作也備錄  
於此以寓鄰笛之悲云山陽才人曠與侶開口為今  
閱為古春以桃花染性情秋將桂子薰言語感離撫  
遇心忤忤道是無憑還有憑沈沈帳底豔吹笛照照  
窗間宵翦燈條而晴兮忽而雨悲欲啼兮喜欲舞玉  
簫倚月吹鳳凰金柳和煙鎖鸚鵡造化有迹尸者誰  
一念才萌方寸移善善惡惡荷無失怪怪奇奇將有

春暮

之丈夫未遠虎爲狗溜足滄浪泥數斗氣酣骨碎  
有聲脫幘目光如電走道人青蛇天助搖不斬尋常  
花月妖茫往有海瀾萬點落雲松酒半瓢世間萬  
事泡幻耳往鴛鴦前芳草迷十二巫山誰道深雲母  
屏風薄如紙鴛鴦不獨鴛鴦能並棲久在錢塘江上住  
來松柏有孤操去燕銜春幾度回羅醉來呼枕睡  
厭見潮來又潮去燕銜春幾度回羅醉來呼枕睡  
處還君此編長嘯歌便欲酌以金叵羅醉來呼枕睡  
一覺高車駟馬遊南柯  
田拔水車日記云陸人桂孟平卒於長沙子嘗得其  
詩次手稿一帙皆紙背也蓋洪武二十年錢塘學  
館所作其正出其學得六篇今摘其警句云山中  
觀命萬全飢導張升選得六篇今摘其警句云山中  
歲月三逢雁客裏鬢飡兩饌魚老境更從天卜健僧  
房偶許客偷閒雲氣四時常似雨濤聲八月大於雷

忍將愁眼看韶華桃李無言日影斜晚白菜肥蠶出火冬青  
花落燕成家歸田誰復如賓饒入室今惟對影嗟無可奈何



聊一睡不勞春夢繞天涯

時孟平喪偶

黃桀一首

渠字體方新淦人洪武中徵為周府伴讀

歸田詩話汴梁為宋東京遊宦者少得清暇以遂宴  
賞之樂當時有寶花擔上觀桃李拍酒樓前聽絃  
之句伴讀黃體方續之云雨後淤泥填紫陌風前  
土障青天蓋街道無溝渠又不雨後淤泥填紫陌  
源縱橫而地迫黃河風起則塵沙蔽日不可開行  
集體仁門體方戲語同列云此所謂東華輟紅塵也  
續玉筍詩談邑人黃桀在國初以十才子微為周王  
府伴讀余求其集不得所著詩海珊瑚其自序云  
僕學詩數十年讀詩數萬篇求其渾然天成之句於  
百中得一而附錄以已作其五言云風月雙清對  
七言佳聯而中流坐青山夾岸看對此十分月能  
萬里身盤石中流坐青山夾岸看對此十分月能  
萬古愁水天一色風月自雙清雲生雙澗日人消  
雨松間移舟秋水渡載酒夕陽亭玉宇秋無際  
月正明滕王閣云江湖襟帶外棟宇斗牛邊七言長  
江云東南形勝分天塹多少英雄據上游扁舟一日

馳千里兩岸青山過萬重閭中云千里溪山無限景  
四時花木一般春太湖白畫風雲連海起青山煙  
雨使人愁赤壁云雨簫詞賦千年在三國英雄一戰  
休中云鹿門歸去一人如玉驢背吟成骨已仙邯鄲  
然像食客侯門下枕黃梁夢間寄僧云茶瓜留  
三千深處竿木隨身雲半間三山客況云身似無官  
客客久秋來有月與誰看送弟云鄉思共隨雲北起  
爲客忍看雁南飛餘無題云野田青處麥千頃楊柳  
綠邊人幾家夜來風雨滿山谷曉起白雲翻海游風  
急數聲聞遠笛月明何處滿山寒衣山頭白夕風雨  
門外雙溪春水生疏密雨繞過白頭一紅花亂  
開半夜雨聲殘暑退一行天秋色晚涼新柳起沙洲  
又路茅屋人家獨樹村天看野岸數楊柳驚起風匹  
雙鴉江上故園頻入夢天涯芳草未歸人秋風匹  
馬皇華路落日孤雲白雁天去帆離汴麥秋晚行李  
到家梅雨時其中頗有雁失然不其爲工也余曩  
曾見其送人長歌酷似太白今藁不存矣惜夫  
田按體方官周府伴讀時王時舉爲長史時舉梁園  
寓稿中多與體方唱和之作體方與徐旭楊景華作  
雪夜聯句體方題句云之子清標骨已仙要將大  
雅亦風雅好事者

過陸象山墓

西風匹馬駐郵亭茅屋雞鳴尚未醒  
野寺秋聲三徑竹石橋雲氣一潭星  
寒欺短褐霜華白水落平田野蔓青  
師友家傳今寂寞欲移文字問山靈

羅昭一首

昭字景南武進人洪武癸酉舉人授吉州學正擢右春坊司諫皇孫出閣簡爲侍講擢左長史

出京

頻歲還山願今朝得遂初風塵雙鬢雪行李一囊書秋草天低處春宮鶴夢餘懷恩難遽別回首幾躊躇

曹遷一首

署字東白歙人洪武中舉明經授本府訓導遷遼府  
審理

苦熱

六合炎炎暑氣浮火雲如水向西流南風不解人間愠只在  
君王殿閣頭

陸闕三首

閻字伯陽揚州興化人楚府伴讀有友蘭集十卷

東里集伯陽長於詩古體宗魏晉近體主盛唐兼工  
書法極力鍾元常王逸少父子常曰去此非第一義  
畫山水木石亦爲當時所重

巫山高

巫山高望不極十二奇峯插天碧巖花開落春復秋萬壑猿

聲江水流煙樹鬱蒼蒼巫峽深且長至今朝雲與暮雨豈有神女來高唐風流宋玉自多才行人何必問陽臺

臨高臺

層臺望不極望極思茫茫鄉樹連天遠雲山接海長徘徊日將暝忽見飛鴻翔所思未能去離憂徒自傷

秋夕

微風動修竹明月上高樹沈沈露氣涼寂寂漏聲永河漢遠橫空梧桐散清影悟淡已忘言悠然心獨領

陳南賓 一首

南賓名光裕以字行茶陵人元進士授全州學正洪武三年徵爲無棣丞歷膠州同知入爲國子助教擢

蜀府長史有安老堂集

題墨竹

九疑何處泣湘靈  
汗簡裁成數尺綾  
鶴馭已迷蝴蝶夢  
龍香猶溼鳳凰翎  
將軍節操凌冰雪  
主器文章麗日星  
白髮小臣懷舊德  
摩挲遺墨淚交零

續玉筍詩談成都天甯寺西廊有僧寮一余以重慶  
入省謁上官寓焉堂有墨竹一幅陳南賓題其上云  
云其前有題云雪樵下筆寫一珎珎意在湘江萬玉間  
幸得披圖洗詩眼恍如僧寺一偷閒又勤有者題云  
老幹垂秋雨蒼苔洗濁泉虛心三百尺高節幾千年  
詳陳之詩意竹乃明玉珍所寫而所謂主器者或卽  
昇將軍書武戴壽鄒興輩耶勤有似隱語豈明氏  
遺書也漫識於此  
用按史稱南賓洪武二十九年與方孝孺同爲四川  
考試官詳味詩意似爲惠帝而作何干明氏事耶

明詩紀事卷二十三

貴陽陳田輯

甲籤

陶宗儀 十七首

宗儀字九成黃巖人洪武六年舉人才至京以病辭

放歸有滄浪樵歌南村集

四庫總目陶宗儀南村詩集四卷是集不知何人所編  
考其題中年月及詩中詞意入明所作十之九惟鏡  
歌鼓吹曲諸篇似為元時作耳其編次年月頗為無  
緒殆雜收遺棄而錄之未遑詮次又顧阿瑛玉山草  
堂雅集所載徵懷樓七律一首送林上人七律一首  
皆不見收知非宗儀自編也毛晉品其詩如疏林早  
秋殊不甚似然格力道健實虞楊范揭之後勁非元  
末靡靡之音其在明初固屹然一巨手矣  
孫作滄螺集陶先生宗儀冲襟粹質灑然不凡務古  
學無所不窺出游浙東西師潞國張公翥永嘉李孝

先京兆杜本問文章爲事故其繩檢家法過人遠甚  
尤刻志學工舅氏趙集賢姁蘇數郡之正辟舉其部  
校官皆不就張士誠開閩姑蘇亥命守令舉人其部  
帥議以軍諮加謝不往洪武辛巳祭已餘悉租菊  
病免藝圃一區果蔬預度給賓祭已餘悉租菊  
接溉壅身自爲之問遇勝日引觴獨酌自爲  
撫掌大噱人莫測也晚益閉門著書世其自爲  
一卷百卷大噱人莫測也晚益閉門著書世其自爲  
卷其未脫者不預焉書史會要九卷四書借道  
周亮工因樹屋書影余幼時在金陵聞舊欄中老  
四家說鄧全部以四大厨貯之近見虎林刻本從  
十六套每存一種爲數少者陶氏當多者咸爲逸  
至是每集有存不存刻未出博古之士多有就家  
如刻之簡不刻者刻未出博古之士多有就家  
及言自刻不刻者刻未出博古之士多有就家  
常弘緒松風清韻郭出而說郭盡於此更不知求  
姚弘緒松風清韻郭出而說郭盡於此更不知求  
說郭有作云郭白頭林下一博嘗手錄說郭一百  
坊間所刻郭白頭林下一博嘗手錄說郭一百  
田按汲古閣說郭白頭林下一博嘗手錄說郭一百  
在明初亦一作家而明人選本多不之及大抵皆  
爲元人則不自毛晉始矣至牧齋引丙子率諸生赴



禮部考試疑其曾列官教授竹垞又援其乙卯人日等詩謂此等詩可以不作而作之宜錄入明詩四庫收入明人集類論乃定矣易代之際非特出處不可苟卽著作亦不宜輕易下筆義嚴矣哉

### 擬古用陸國隱韻

浮雲滌頽陽涼飈謝繁綠氣化相尋繹百歲一何速達人意  
有在豈復傷局促且持杯中物對此籬下菊

王風萎衰周人紀壤狂秦大橫變哇淫雕蟲蠹天眞迢迢百  
世下禮樂就沈淪尼父不復作聖道詎能新

### 聽輔師彈南薰

深邨隔疏雨一塵飛不到輔師抱古琴叩門忽遠造解囊理  
冰絲下指卽高妙涓涓流水心楚楚南風操聲稀意自足味  
淡趣自奧別去殊可人谿頭送清嘯

題李州銘所藏毛澤民山水

竹雪予能畫山醉來解衣盤礴羸筆力甚似荆與關板築橋  
西惜懂樹灰堆峯前鴨嘴灘夕霏騎壑氣旄靄春瀑出澗聲  
潺湲遠岫離離斷復連湘娥綰結風前鬢若非子真谷口宅  
定是太乙元都壇竹雪子玉筍班面帶河朔氣態度美且閒  
鳥跡印沙文錯落蝸涎行壁勢迴環物物本然具畫理妙趣  
豈在清溪別嶺高崖陡可堪邊幅八法默契烏絲闌寸楮片縑  
亦可藏名人只良思騎攀此圖忽落李君手時復把玩多歡  
顏老余撫景感眞迹清盟題詩卷送還

南村雜賦 四首

屋小長林束村深四水通睡因閒處熟愁向醉時空鵝鴨春

波綠牛羊晚照紅  
歲輪公賦足泚筆紀田功

編圖從入甲  
養子慮添丁  
閤筆焚三策  
攜鋤帶一經  
語多鄰叟醉  
妖勝里巫靈  
俗薄何須較  
柴門盡日扃

家貧田亦瘦  
身隋禮全疏  
囊錦新吟稿  
篋藤舊著書  
小童能理耜  
稚子學將車  
何幸無榮辱  
長年此逸居

客分疏雨去  
人帶斷煙耕  
地曠乾坤大  
心閒景物清  
藥材書券賁  
琴直典衣更  
歲歲西鵬秋  
深深憑送此身

南村後雜賦

四首

槿樹成籬落  
松脂化茯苓  
閒閒籠鶴柵  
時過狎鷗亭  
汗簡修書史  
持杯閱酒經  
塵縵終不縛  
何媿草堂靈

谷口蘭宜佩  
庭前草不薶  
番田栽薯蕷  
縛架引葡萄  
杜甫十

分瘦元龍一世豪  
賣書買農具作業豈辭勞

道隱循城曲橋低與岸平  
風前松子落雨後竹姑生  
向此得

閒趣自來無  
宦情烏巾方竹杖林下一日更

江海謀生拙  
田園引興長  
徑分黃菊本  
池種白魚秧  
瘞筆營

山竈橫琴布石牀  
俗氛飛不到一山水雲鄉

六硯齋筆記天台陶九成選亂湖南王叔明為作南

村圖茅堂蓬戶遠以山鳴水確耕犁種種備具兼以

驚為犬猶牛宮豕初覽之真江南農舍也竹樹原隰

與煙蘿山色耶一點綴而已以此見南村翁真率之

趣不懷柴桑六硯齋二筆陶九成南村圖余見叔明雲西輩數本

矣今又見杜東原南村十景圖磅礴秀極得北苑  
遺法其景曰竹東原南村十景圖磅礴秀極得北苑  
姑洞蓼光菴鶴臺漁隱蛭室杜自題云余少遊南村  
先生之門清風高致領畧最深與其子紀南最相友  
善不意先生去世忽焉數載偶從筍中得南村別墅  
十詠吟誦之餘不勝慨慕聊圖小景以志不忘圖成

卽置之故硯中一日紀南過訪檢山相示欣然謂先  
君可從此不朽傳之後世猶令人知胷中邱壑強欲  
持去遂命錄先生詩於後并題數語而歸之正統己  
亥春三月既望京兆杜瓊識  
田按九成南村圖王叔明倪雲林皆有畫本著錄於  
郁逢慶書畫題跋記汪珂玉珊瑚網余又檢梁章鉅  
退菴題跋有黃大癡爲九成作南村草堂圖軸張丑  
清河書畫舫有吳仲圭爲九成作野竹居圖卷後有  
詩跋十餘人始錢維善訖王冕則元四家皆爲九成  
作圖矣九成博雅好事故爲名流引重如此余錄九  
成南村雜賦附著南村畫本於此以爲誌勝地者作  
南村故實焉

### 簡顧秀才

地偏春自勝市遠客尤稀  
草閣開清晝谿航載落暉  
雜花晴簌簌輕燕晚飛飛  
問訊東鄰老還容覓釣磯

### 和董良史憲僉西郊草堂雜興

清溪脈脈抱虛堂  
新竹娟娟過短牆  
問柳尋花春事晚  
投壺

散帙午陰涼時將芳糗充魚餌歲會香秔備鶴糧如此閒情  
眞自適可無幽夢入鷓鴣行

樂靜草堂爲衛叔靜賦

屋繞芙蓉九疊屏日長客去掩閒庭岩花煖傍疏簾落階草  
晴分汗簡青溫火試香刪舊譜汲泉煮茗續遺經江南定有  
徵賢詔太史方占處士星

題雙松獨釣圖

雙松偃蹇水按藍幾疊遙山送碧嵐一葉釣舟輕似葦短蓑  
煙雨老江南

題倪雲林枯木竹石小景

蒼玉庚庚翠袖扶墨池洗出碧珊瑚倪顛老去風流盡只有

雲林小畫圖

黎貞 三首

貞字彥晦新會人洪武初舉訓導不就坐事戍遼東  
尋放還有秣坡集七卷

四庫總目貞少從孫費學詩費集卽其所編次雖所造未深而風格尙爲邁上田按竹垞評彥晦詩多庸實余錄七言斷句三章風韻獨絕

題趙文貴畫

屋頭松檜與山齊屋外飛泉落小溪野老相逢多款曲杖藜  
時過石橋西

宿定公港

四月江南煙樹濃吳山楚水寄行蹤南風吹起鱗魚美處處

山林啼郭公

泊五侯書所見

溪頭昨夜水沒磯細雨漠漠暗斜暉了鬢三五隔溪女唱歌

撥亂摸魚歸

蘭茂 二首

茂字廷秀楊林人洪武中布衣有止菴吟稿山堂雜

稿

袁文典明洪南詩略楊升菴詩云蘭叟和光卧白雲  
賈生東瞻地清芬何人為續猶康傳題作楊林雨隱  
君和光止菴別號東隱名惟孝亦能詩  
田按洪自漢通西南夷後張叔盛覽尹珍許淑諸人  
號為才傑吾歟與洪接壤長通道真遙遙名德互相  
矜重昨柯柯母飲人各異說既無碑志之錄又無琬玕  
之編兩地人士共為俎豆斯篤論已袁文典洪南詩  
略謂渡澗滄白狼王等歌為洪南韻詠之始考渡澗



滄爲行路所作不必滇人也白狼王歌言誅離譯  
 其文三年殆經潤色考南詔鎮蒙氏改國號曰大長和  
 同光三年使人布變來貢作思鄉詩曰瀘北行人絕  
 雲南信未還懸心秋夜月萬里照關山此真滇詩也  
 有明聲與聲教斯廣洪武實錄所紀雲南歲貢國子  
 生入監讀書者衣鈔有賜余檢程原道巽隱集有送  
 太學生段汝霖序云段獎大姓也有潮其名汝霖其  
 字者以經生充貢太學歸省其親中禮義之邦名  
 門子孫若汝霖者甚不多見不圖得見斯人於殊鄉  
 絕鄰之地奚啻百鳥之孤鳳耶原道譽之如此惜其  
 著述不傳於世處秀家世楊林楊林所著有明初爲  
 嵩盟州升菴詩所謂楊林隱君也吟稿山堂雜稿今  
 創折衷金馬碧鷄之鄉靖蛉螳螂之域探明詩者當  
 皆不傳數詩爲西南雅音之首矣

四時詞 錄二

東風滿院垂楊舞料峭寒生襲金縷起傍欄杆問海棠忽驚  
 飛鳥翻紅雨芳菲不爲少年留底用傷春易白頭斜展茸茵

坐花底玉奴紅袖奉金甌

湘簾捲上雙鉤玉寶鵬沈煙散清馥榴花帶雨脫輕紅蕉葉  
含風展新綠蘭湯浴罷玉肌涼牙簟紗厨清晝長夢到可人  
誰喚起一聲啼鳥在垂楊

蘭廷瑞二首

廷瑞楊林人

田按廷瑞詩見楊升菴丹鉛錄袁文典謂是廷秀弟也絕句殊有風致

夏日

終日凭欄對水鷗園林長夏似深秋槐龍細灑鵝黃雪涼意  
瀟瀟風滿樓

冬夜

枕上詩成喜不勝起尋筆視旋呼燈銀餅取盡梅花水已被  
霜風凍作冰

唐貞一首

貞字士幹貴州人

樵李詩繫作海鹽人

洪武間以貢任東莞

縣丞

樵李詩繫貞鐵崖弟子韓履祥贈貞詩宦游踰嶺海聲價動京師又有送貞還貴州詩楚山鬱重重巴水深浩浩丁麒亦有詩送貞豈其從貴竹家散者耶田按沈南疑云士幹疑從貴竹移家淑浦者韓履祥丁麒均有送士幹還貴州詩錄明黔詩者當自士幹始矣惜邵亭靴黔詩時不及見之

題深雲卷

軒搆深雲隔杳冥一時遮斷萬山青谷中虎嘯風搏陣洞口  
龍歸雨帶腥卧石衣襟嘗自冷出林鐘磬慣曾聽披圖作者

皆前輩小筆何由問草亭

陳謨 六首

謨字一德泰和人洪武初徵至京引疾歸有海桑

十卷

四庫總目謨集中通鑑論一篇引微子箕子反覆申明  
謂革代之時不必死節最為善理故其客韶州時為  
太祖吳元年元尚未亡已為衛官作賀表而集中頌  
明功德不一而足無一語故君舊國之思則與柴桑  
東籬之志固已殊矣至文體簡潔詩格春容東里淵  
源實出於是其在明初固風流乎雅音也

溽暑作古意 二首

溽雲涵薄霧日光如鏡塵楊花吹滿床燕雛嬌近人雙雙白

練帶銜得櫻桃新

困多病不如塵生風自卷蕉心先雨開菱花後時剪宿有錦

字書教兒床頭展

金柑花

金柑花鋸霜銀雪盈極杪獨當伏日偏榮萼綠珠金彈葉重  
遮半黃可恨飄籬笆數枝尙復秋始花花不成實徒紛葩高  
枝蠹穴心久瘕秋高恐畏成枯槎扶蠹椎鑿何當加低椽三  
尺陰翳翳始自脫略茅與薜試花寂歷陰晴翹秀色已似卑  
梨楂后皇嘉植楚甸誇憶昨包貢天王家兼程星火疲騶騶  
蓬萊歌鐘觴九霞傳柑曲宴恩波奢廬飛道斷虎奮牙下州  
斬伐無根芽他園見之何恨邪天王北狩黑海涯故侯誰種  
青門瓜楊梅荔子金枇杷紛紛並得登籠笱金柑花委香屑  
玉同塵沙行歌花底沾烏紗歌成謾起園官嗟

別曲江參謀孫舜元

北望冰天冷南遊瘴海涼  
衣霑柳葉露酒送荔枝漿  
上相憐才美邦人浴化良  
向來經濟熟知不愧龔黃

題隱者山房

隱者壺中目仙家剗外天  
晴虹出丹室元鶴戲芝田  
待客沈香火清神枸杞泉  
何當謝塵事閑說赤烏年

榕樹下別參軍再賦就簡指揮

榕陰翠蓋倚重重相送城南復向東  
上將故多黃石略參軍  
况是紫髯翁重題錦字雲生紙  
獨轉滄浪月滿蓬徒倚松根  
看野色青山縹緲意何窮

梁蘭五首

蘭宇庭秀泰和人有哇樂先生集

田按庭秀陳一德弟子才調不及其師而音節和粹乃復相似

西畦自適

守拙一圃間衡從五畝餘藝麻在高邱雜以果與蔬春至百  
草生趁晴聊荷鋤筋力豈不勞蕪穢亦已除家人會知我慰  
以酒滿壺偶坐斟酌之日落西山隅歸來北窗下我心一事

無

田按楊東里作庭秀墓誌稱庭秀日與故人尋山水  
之樂命酒賦詩任意所適於邑西柳溪之上闢哇蔬  
雜植花竹引泉灌注築室其中逍遙自得作哇樂詩  
數篇時歌以自適此詩即其一也庭秀子潛官贊善  
出哇樂詩索和於同僚王希範蘇伯厚王孟揚高廷  
禮皆有和章附錄於此希範詩索居南野外頗於人  
事疏灌本蔭前庭隙地數畝餘蔬果因時藝駕言理  
其蕪聊以足晨夕過茲奚所須固窮諒吾分貪得甯

匪愚穉草而終身樂哉常晏如前畦榮晚菰後畦鬱  
新葵感茲時物嘉濁酒聊自持大化不可測吾生豈  
我衣緇絢彼沮溺賢茲心不吾欺伯厚詩青山繞我屋涼飈吹  
無涯柳蔭我門來往絕塵鞅世有事邀不問郊曲衣褐徒  
垂柳復相與言孰云生計拙亦有數畝園清晨荷鋤去  
除彼薷草根但使無饑饉豈惜筋力勤濯足清澗濱  
矯首觀飛雲床頭有濁醪欣然自開樽盤殮雜瓜蔬  
童稚笑語喧醉臥松檐下焉知賤與貧孟揚詩平居  
無俗韻取樂在邱樊春至灌木滋鳥雀遶舍喧感茲  
時物榮因以覩我園至在崇邱穢蕪日已蕃辛勤  
理町畦倦來荷鋤還明月照墟里藟門猶未闔妻  
念我饑當筵具盤殮一觴偶獨坐放懷聊自寬高詠  
發新謠不知險與艱春陽釋土膏百卉榮且敷時雨  
夙已至兼之泉脈舒閑居何所樂取樂農圃餘淺  
荷鋤往蕪穢一剪除披榛理新條隙地還藝蔬羣雀  
噪我傍饑鳥行哺雛感茲物理微促刺良不紓歸來  
洗懷抱聊以倒一壺何必役名利終年抱區區  
詩梁鴻身不仕白首祇間居不鄙絨心無緊邱園樂  
餘青山長繞屋流水自通渠不鄙絨心無緊邱園樂  
書



題漁父圖

湘水綠於藍數峯青可數高柳一溪陰投竿擬何許莞爾歌  
滄浪揚舫下修渚

題畫

泉鳴一澗長雲去兩崖碧結茅背松坡境偏絕塵迹兀坐閱  
古書可以永終日

贈別

門有車馬客長揖別我歸客行歲云暮霜雪沾人衣居人送  
客城南道北風獵獵吹沙草君今一去來何時昨日相逢苦  
不早君當爲我歌我當酌君酒酒酣拔劍起芒光射牛斗寶  
劍乃神物請君慎藏之土花繡澁毋足惜風雷變化須有時

遊武山和韻

武姥樓閣山之巔數家茆屋依山前樓岩白雲晴冉冉繞林  
碧篠寒娟娟仙子索詩請題壁樵叟煮茶呼引泉瀝高騁懷  
極幽賞使君佳句令人傳

唐桂芳 七首

桂芳一名仲字仲實歛人元至正中用薦授崇安縣  
教諭再任南雄路學正明初攝紫陽書院山長有武  
夷小槩白雲集略四十卷

四庫總目廬陵鍾鼎撰桂芳行狀稱其文一以氣為主  
今觀集中有與陳浩書和嘗慕蘇老泉閉戶探蹟古  
今上下融液胸臆故下筆源源而無艱險窘迫態輒  
謂文不可學而能氣可以養而致此蘇老家法也蓋  
其平生宗旨如此故所作容與逶迤絕無聲牙晦澀  
之習詩亦清諧婉麗頗合雅音

程敏政新安文獻志朱大同云唐仲實詩清新流麗

田按仲實武庫小葉白雲集七卷蓋自程克勤所編唐氏三

先生四庫著錄出廬陵鍾晦撰仲實行狀稱其為詩清新

流麗出語驚人而聲調格律鏗鏘劉亮讀之琅然慨

聽又謂太祖下歛訪問耆儒僉院鄧愈以朱升唐仲

實名聞召對稱旨有尊酒束帛之賜五倫書又謂歛

人姚瑔與唐仲實同迎蹕於街口四庫總目錄入

明人集部蓋與錄陶宗儀南村集同意也仲實文宗

老蘇詩亦格律蒼老其和吳生維新詩云老來懶吐

驚人語水落寒天露沙渚蚤年枉費餽有功謾把紅

花嬌青藥可以識其意趣矣

### 送鄒山長

精廬嘉樹合欣欣衆禽鳴相過豈不好胡為千里行三年振

文鐸遺經寘滿牕英英嗜學子隔竹聞書聲埽花散幽策坐

石移殘枰詩成似白雲亭亭峯巒生昔視秋蛾飛今送春鴻

征歸來憐兒女歡笑綵衣迎父老三四人傾壺濁復清逍遙  
練溪上於焉澹無營

送楊曾之浙東

佳麗金陵地蕭然爾獨居門無私客謁座有諫官書清切登  
臺久光華入幙初浙東勞遠役民瘼問何如

程仲庸游京口留金山

我正無心懶似雲那堪奔走污緇塵飛花岸柳偏留客吹浪  
江豚忽拜人玉帶暫拋煩轉語楞伽曾寫悟前身異時好說  
金山寺幾箇漁舟喚渡頻

送湯君濟赴廣西憲幕

湯生浩氣揭晴霓白馬雕鞍新鑿蹏試吏早從公府辟徵書

親自臬侯題江天露洗星辰溼海島風清瘴雨低肅若紀綱  
多暇日滿庭榕露鷓鴣嘯

送鄭士恒往江西

洪都昔號殿西土畫省新開列上台鄭老每從工部飲烏公  
何待石生媒斷雲將雨侵書幌明月隨風落酒杯山獠洞蠻  
皆入貢海船日日候潮來

贈別林生

青天無盡碧波長百尺雲帆挂夕陽海客音書何處寄北風  
鴻雁不成行

遣懷

繁昌縣前白楊樹隨處柴門傍水開可是夜深風露冷流螢

一箇渡江來

姚瑱 一首

瑱字廷用歙人元至正中以文學舉爲池州路學正遷太平路教授江西行省理問所知事明初與唐桂芳同迎蹕於街口被顧問事見五倫書

野人四時辭 錄一

野人看花花滿叢紅紅白白媚東風粉蝶黃蜂不知處一時飛過小園東

易恆 二首

恆字九成廬陵人徙家崑山洪武中應薦至京以老罷歸有陶情集

姑蘇志易恆宋蓮峯先生斗南之後能詩願行與袁

華同爲顧氏客

梅花草堂集恆性簡淡卜居淞南之大泗濱仰讀伏

思無域內想閑地數百弓引流種樹號曰泗園興有

所會嘯咏不輟以此終其身

田按久成詩自然流露不事鐫刻不愧陶情之號

鹿城隱居

盧熊所居

避俗龐公隱鹿門鹿城靜亦絕塵喧釣綠水北菰蒲渚窗俯  
江南桑柘村書齋宇殘緇竹筒石魚銘古刻窪尊地偏丹楨  
稀來往獨有煙潮到岸痕

睡起

睡起喚茶猶未醒強將物色與詩裁楊花易遣爲萍去春夢  
難憑化蝶來草信無名生自得驚知有性立還猜出門一笑  
忘情景濯足清江坐碧苔

韓奕 四首

奕字公望吳人有韓山人集四卷

始蘇志奕雖居廛市而樂事遊覽放浪山水間襦衣  
芒屨一童自隨往來山僧野客累月不去或時藉  
草而坐微吟長嘯人莫測其意性穎敏博學尤工於  
詩洪武中與王賓俱隱於醫賓既爲郡守姚善所禮  
乃復因賓致奕奕終不往一日與賓詣之奕走榜仰  
山善隨至奕泛小舟入太湖善嘆曰韓先生所謂名  
可得聞身不可得而見也

次韻答王宗常

嗟君荒嶺外高卧日蹉跎  
古道入來少閒門葉落多家貧因  
世難身病是詩魔  
一自山中別流年疾似梭

獨卧

高堂四壁空白首卧衰翁  
往事浮雲散餘生落日同  
早蟬鳴



柳樹晚蜨繞幽叢惟有青山色多情在望中

逢故人夜飲話舊

風色蕭蕭木落天故人解后會尊前青燈照影冷清夜白髮  
聽歌感少年身未死前惟別苦難相忘處是情牽不因世故  
身親見肯信人言海變田

二月二日寄友

頻年芳節兩匆匆往事閒思半夢中江郭春寒連夕雨海棠  
花信幾番風萋萋遠浦迷芳草歷歷青天沒斷鴻悵望思君  
無限意扁舟一醉故人同

王寶

一首

寶初名國賓字仲光長洲人有光菴文集吳下古蹟

詩

姑蘇志仲光博綜文籍經史諸子歷數兵政百氏小說靡不該貫制行奇狷不娶不宦姚善爲守特往求見仲光執禮抗節風軌甚高田按高季迪周正道皆有姑蘇雜詠仲光有吳下古蹟詩一卷詩綜題作姑蘇雜詠非其實矣

蔡經家

吳地記在朱明寺西

方平不見再來遊惟說麻姑去海洲人世桑田今幾變蔡經家在寺西頭

滑壽二首

壽字伯仁

唐肅丹崖集作得仁

先世襄城人徙儀真後又徙餘

姚自號櫻甯生

四庫總目難經本義二卷滑壽注壽卒於明洪武中故明史列之方技傳然戴良九靈山房集有懷滑櫻甯

詩曰海曰蒼涼兩鬢絲異鄉飄泊已多時欲為散木  
留官道故託長桑說上池獨客著書入豈識韓公賣  
藥世偏知道途同是傷心者只合相從抱黍離則  
亦抱節之遺老託於醫以自晦者也  
朱右白雲稿滑伯仁性警敏習儒書於韓說先生曰  
記干餘言操筆為文解有思致尤長於樂府  
田按朱伯賢作授寄生傳羽生在淮南曰滑壽在吳  
曰伯仁氏在鄧越曰授寄生年七十餘顏容如童行  
步輕捷飲酒無筭以醫名世所至人爭延致以得  
留生診視一決生死為無憾明史列之方技稱其好  
學能詩余檢顧俠君元詩癸集僅錄一詩憾其未備  
及得唐處敬丹崖集有生詩四首生於元為遺老於  
明為逸民且列名方技無所用其斷限與韓公望王  
仲光一例錄之

輓唐丹崖

二首

尙想詞垣應奉辰漢廷曾詔買生頻如今埋骨秋江上留得

文章照後塵

漢代文章晉代人誰知死別淚沾巾玉樓新就無人記定踪

蒼鸞上紫宸

陶振一首

振字子昌吳江人徙居華亭洪武二十三年舉明經  
授吳江訓導改安化教諭有釣鼈海客雲間清嘯二

集

陸學士題跋陶振一號癯叟歸隱九峯中所著詞賦  
歌行雄拔豪壯有追風逐電燕雲劍俠之氣  
樵李詩繫振自號釣鼈生學於楊廉夫治詩書春秋  
三經天才超拔吐語豪俊少有神童之名洪武間薦  
授吳江訓導改安化教諭歸隱九峯一夕死於虎王  
河二賦得釋改安化教諭歸隱九峯一夕死於虎王  
達善輓詩云昔為海上釣鼈客今作山中伺虎人

題梅道人畫

江南春盡雨泔泔繞樹簣簣含積陰園曲疏泉石苔滑籬根

鸞艇漲痕深山寒翡翠巢密葉日暮鷓鴣啼遠林此時世慮  
淡如水聯床燈火百年心

林枝一首

枝字昌達閩人有效顰集

田按昌達詩集竹垞從林孝廉估借觀錄之惜今不  
傳余檢曹石倉歷代詩選補詩一首

飛仙巖

高臺聳雲漢壁立何崔嵬昔年有仙人跨鶴茲山來殫霞鍊  
金鼎九轉超凡胎空餘松下石積雨生莓苔

陸中四首

中字與權興化人有蒲栖集二十卷

明詩統與權少遊楊鐵崖之門長而放浪江湖不干  
榮利吳郡太守鄒奕爲之立傳

言系卷二  
簡余處恭

林皋黃葉落淅淅動秋聲  
白雨朝來急金風午後清  
酒澆羈客況詩寫故人情  
因識浮梁尹雄談四座驚

思家

黃河樓前楊柳花紛飛  
似雪墮汀沙自知久客謀  
身拙可奈逢人笑鬢華  
風雨一春愁裏過關山千  
里望中賒武昌魚美非吾  
願孤枕殘燈夢到家

揚州

錦帆三月過江都  
借問瓊花尙有無  
煬帝行宮春寂寞  
廣陵煙樹晚模糊  
東風芳草連詩社  
落日青帘映酒罍  
二十四橋今夜月  
清光偏照客心孤

野齋贈日者

雲屋倏然物外清  
松陰援鶴伴平生  
疏林斜照迴江影  
絕壑飛泉落澗聲  
讀易夜深窗月冷  
垂簾秋靜篆煙輕  
何人爲問搗機石  
始識君平賣卜名